



Juliane Henningsen

Ulloq 20. juli 2007

Inatsisartut suleriaasianni § 36, imm. 1 najoqqutaralugu matumuuna Naalackersuisunut ima apeqqu-teqarpunga:

**Naalackersuisunut apeqqu: Ilimmarfiup University Charter-mik qinnuteqaataa 2008-mi aningaasanut inatsisissamut siunnersuummi ilanngunneqarnissaa Naalackersuisut akuer-saarnialersarpaat?**

(Juliane Henningsen, Inuit Ataqatigiit)

Tunngavilersuut:

Naalackersuisut tamanna periarfissatut isiginngippassuk apeqquinnut akissuteqaammi ilinniartitaanikkut takorluukkat Inatsisartunit siunniunneqarsimasut tunngavigineqassasut kissaatigissavara. Kiisalu Naalackersuisut qinnuigissavakka akissuteqaatissaminni Ilimmarfiup nunanut allanut suleqaternermit suliniutaasa nukittorsarneqarnissai ilinniartitaanerup tamakkiisumik siuarsarneqarnissanut iluaqutaasinnaannginnersut isummerfigeqqullugu.

Nunarsuarmioqatigiit suleqatigiinnerput annertusiartortillugu nunat ataasiakkaat aningaasatigut ingerlatsineranni immitsinnut attuumassuteqarnerput annertusiartorpoq.

Nunatsinnittaaq assigiinngitsutigut arlalitsigut taamatut aningaasarsiornikkut pingaaruteqartutigut attuumassuteqarnerput takussutissaqarpoq. Tamanna ilaatigut aalisakkanik nioqquteqarnitsinni nunarsuaq tamakkerlugu unammillernissamut piumasaqaatitigut malinnaaniarnissatsitsinnut tunngasutigut takusinnaavarput, kiisalu nunatsinni aatsitassarsiernerup annertusiartuinnartup tungaatigut nunat tamalaat qanoq qanitsigisumik annertutigisumillu suleqatigisariaqarlugit takusinnaalereerparput.

Allatut oqaatigalugu nunatsinni aningaasaqarniarnerput annertusiartuinnartumik nunat tamalaat akornanni suliasat agguataarnerini akuuneruleriartuinnarpoq. Ilinniarfik Ilimmarfittut ittoq ineriartornermik malinnaaniarluni sulianut qanimut peqataatinneqarnissaa nunarsuarmioqatigiilu ilinniartitaanerup silarsuaani suleqatigiinneranni ingerlareersumi peqataasinnaanissaminut naleqqussarluni nukittorsartariaqarnera uanga tunginitt pingaaruteqartutut isumaqarnarpoq.

Ilisimatusarfik maannakkut Europa-mi Canada-mi, Alaska-mi USA-milu arlaqalersunik suleqateqarpoq, taakkuli ilarpassui immikkut ilisarimasasaqarnernik suleqateqarnenillu aallaaveqarput, imaappoq ilinniartitsisut ataasiakkaat ilisimatusarnerminnut atatillugu attaveqaatissarsisarput, piffis-sallu ingerlanerani Ilisimatusarfiup nunanilu allani universitetit akornanni suleqatigiinnerit aalajangersimanerusut piorsarneqarsimmallutik.

Suleqatigiinnerit attaveqaatillu taamaattut pisortatigoornerusumik aaqqissorneqartariaqarput sulifefeqarfinnilu pineqartuni maleruagassat sinaakkutatut atorineqartut iluanni aaqqissuuttariaqarlutik. Taamaaliornikkut suleqatigiinnerup aaqqissuussaasumik ineriartortinneqarnissaa anguneqarsinnaavoq aalajangersorneqarsinnaallunilu, inunnillu ataasiakkaanik ilissarisimanninneq aallaavittut pingaarnertut atorunnaarsinneqarsinnaalluni. Taamaammatt University Charter-ip atuutilererneqarne-rata Ilimmarfiup universitetinik allanik pisortatigoortumik suleqateqalersinnaanissaa qulakkeersinnaassavaa.